

名公尺
蹟規範
如面譚
上冊

景陵鍾
惺伯敬父輯

卷一 家屬類

祖家寄孫書

祖念孫朝夕不置。孫念祖其如之乎。家中骨肉。托天祚俱康。客舍中。最宜朝夕珍重。以無遺。老祖父憂。老祖父景入桑榆。暮景也居諸有限。日居月諸言歲月不久也吾孫稍得意。即買歸舟。毋久戀異鄉。俾一家望眼。朝暮倚闥也。王孫賢母曰汝朝出而晚歸則吾倚闥而望此囑。

孫外答祖書

孫日暮家思。惟老祖父母。寒溫在念。恨無翼於飛。向庭闈一定省也。旅中幸清泰。俟稍逐錙銖。微利也即圖歸計。不敢久戀異鄉。以貽老祖父母憂。

子外寄父書

承歡幹蠱。易蠱卦爻詞云幹父之蠱人子之事。晨昏定省。人子之職。似不可以遠遊也。第爲貧而

商固勢不能已。而淹溜他邦。實心不容置。每聽風聲而中心慊慊。一聞鴈鳴而思慕耿耿。庭闈北望無淚可揮。男豈敢離高堂。圖外樂以貽鄉。評物議哉。柰塵務未脫。韁音鎖尙牢。是以濡滯未回。徒爾玩時愒日。以上孤責望之殷殷也。但孝道未盡。子職缺如。瞻望白雲。狄仁傑望白雲曰吾親舍其下心神俱飛。伏乞茹養天和。永迓天眷。不肖倘旅邸如意。卽當兼步以慰老親之望。

又

別親膝下。人子生親膝下一體而分倏爾月餘。每思高堂垂白。

父母暮年髮垂白也

他鄉游子。旣疎定省。

子於父母昏須

定辰須省

復缺甘旨。

人子事親供奉必以甘旨

罪何可逃。邇來吾親身軀康泰否。家務清理否。用度周

給否。幸父親綜理。

治家也

有方。男得以紓。

緩也

內顧之憂。若不肖之奔逐風塵。自能隨時調養。亦無勞父親遠慮。離愁萬種。淚筆難宣。惟願老親茹養天和。

茹食也益增遐算。

遠壽也俟蠅頭稍逐。

蠅頭微利也速卽歸家。今幸有便。附報平安。緘寄來物。少供

一膳。歸期在卽。餘不盡稟。

父家寄子書

自兒出門。家中平安無事。不必掛念。兒須常似父兄在前。勿得縱情肆志。以耽
悞正務。至風霜饑飽。寒暑勞逸。均宜調度。此保身之法也。交友臨事。古人有言。
終日讓路。不枉百步。終日讓畔。不失一段。四句乃唐朱仁軌訓誨子弟知讓也此立身之要也。財物交轄。
寫清記明。寧忠信。毋苛刻。寧寬容。毋瑣碎。此制事之宜也。三者盡之。吾心安矣。
完局之後。速速圖歸。毋令我懸念也。

又

汝去後。一家骨肉。俱各無恙。第兒在千里。老父母不免有朝暮倚門之望。爾汝
其善體父心。努力幹蠱。俾鄉閭稱曰善爲箕。善爲裘。禮記良弓之子善爲箕。箕良治之子善爲裘。則汝雖遠離
膝下。於汝父母心。亦大愉快矣。他無所囑。

又

父字示男某知。兒奔走風塵。父之心豈不懷念。但爾能體親之心。保重身體。則
老父無憂矣。貨到彼地。時價好否。至於發貨之際。切要檢點。爾在外狂藥。酒爲狂藥
少飲。美色宜遠。帳完之日。卽速歸來。慰我懸望。家中大小平安。爾無慮焉。只此

字示餘不多及。

又

讀聖賢書。所學何事。孝弟而已矣。舍身出外。滔滔不返。老年甘苦。屬望何人。他鄉寄旅。臨風對月。寧不翹首。思及到此乎。兼且歲值兇荒。家給不足。堪憐老年。荷天庇祐。吾猶故舊也。倚門望眼。益加懸懸。火速收拾回歸。利名自有一定之分。奚必他鄉淹滯。釀成不顧之愆。筆不盡言。言不盡意。故以惕之。

又

吾年老矣。與兒別幾年矣。宗祊之重。惟吾兒是寄。所係匪輕也。訪猶宗祊也。言宗祊之重大不可無人以寄之也。○
匪非也。不也。若財利之豐。蓄不過身外物爾。豐盈也。蓄薄也。言財之厚薄。總屬身外之物。無與父子天倫性分之內也。別後一家老幼。俱

各平安。但家務紛紜。言事之多也。老年衰邁。往也。料理惟艱。治言家極難也。吾兒收拾貲財。蚤爲歸

計。蚤與早同。上安父母之心。下慰妻孥之望。妻孥妻于也。一家團聚。聚集也。爲利大矣。客路奔

馳。奔走也。馳逐也。順時保重。倚門日望。屈指歸期。毋戀他鄉。有孤遠囑。

子家奉父書

拜別親顏。屢移歲月。

言屢歷更移歲月之久也。

此心瞻望。朝夕神馳。

言且暮精神恍惚無不馳想也。

未審大人在外安

否。承嚴命理家。夙

也。早

興夜寐。

也。睡

安敢荒寧。

懶惰也。語云怠惰荒寧。爲懼勤勵不息自強。

家中大小。叨獲平安。

不須望念。况父奔馳湖海。無非爲子孫貽燕之謀。

貽遺也。詩云貽厥孫謀以垂燕翼。

安敢不以父之

心爲心哉。倘貨物發畢。

畢完訖意。

帳目收完。早宜回來。勿俟隆冬。沍寒之候。

隆盛也。沍極也。隆冬句極。

言其寒威之凜冽也。

水陸舟車不便。今因鴻順。

鴻雁傳書借以喻附信之便。

特修問安二字。餘無所言。只此拜

稟。

父外寄子書

父平安字示男某。我自出門。路上頗安。寓所亦便。不須男遠慮也。但家務事要節儉勤謹。切勿奢侈怠惰。汝母好生奉養。汝弟尤宜教訓。門戶早宜關閉。火燭最宜謹防。諸親緊要吉兇事情。酌可而行。如此方是成家子。我今所務。未有完結。俟一完結。卽速歸家。人便附字。寄有銀物。少資家用。倘或不給。亦須那移將就。待我歸處。如有便人。家事當詳寫報我一信。

父寄子勉學書